

C A I B. XVII.

27 Agus an tarbh air son na h-ìobairt - pheacaidh, agus am boc-gaibhre air son na h-ìobairt-pheacaidh, d'an d'thugadh am fuil a steach a chum réite a dheanamh 'fan ionad naomha, bheir-eas a mach iad an taobh amuigh do'n champa; agus loisgidh iad 'fan teine an-croicinn, agus am feoil, agus an aolach.

28 Agus efan a loisgeas iad, nighidh e eudach, agus ionnailidh e fheoil ann an uisge, agus 'na dhéigh sin théid e do'n champa.

29 Agus bithidh *so* dhuibh 'na ordugh gu sìorruidh: Anns an t-seachdamh mìos, air an deicheamh. *là* do'n mhìos, irioslaichidh <sup>a</sup> sibh bhur n-anman, agus obair sam bith cha dean sibh, *aon chuid* efan a tha do mhuinntir bhur dùthcha féin, no 'n coigreach a ta air chuairt 'nar measg;

30 Oir air an *là* sin ni *an fagart* réite air bhur son, chum bhur glanadh: o bhur peacannaibh gu léir 'an làthair an Tighearna glanar sibh.

31 *Bithidh* e 'na shàbaid tàimh dhuibh, agus irioslaichidh sibh bhur n-anman, le ordugh sìorruidh.

32 Agus ni an fagart a dh'un-gas e, agus a choifriges e gu frithealadh ann an àit' athar, an réite: agus cuiridh e air an éididh anairt, *eadhon* an truscan naomha.

33 Agus ni e réite air son an ionaid ro-naomha, agus air son pàilliuin a' choi'-thionail, agus air son na h-altarach ni e réite; mar an ceudna air son nan fagart, agus air son uile shluaigh a' choi'-thionail ni e réite.

34 Agus bithidh *so* dhuibh 'na ordugh sìorruidh, chum réite a dheanamh air son chloinn Israeil as leth am peacanna gu léir aon uair 'fa' bhliadhna. Agus rinn e mar a dh'àithn an Tighearna do Mhaois.

C A I B. XVII.

**A** GUS labhair an Tighearna re Maois, ag ràdh,

2 Labhair re h-Aaron, agus r'a mhic, agus re cloinn Israeil uile, agus abair riu, So an ni a dh'àithn an Tighearna, ag ràdh,

3 Ge b'e duine air bith do thigh Israeil, a mharbhas tarbh, no uan, no gabhar anns a' champa, no mharbhas e mach as a' champa,

4 Agus nach d'thoir e gu dorus pàilliuin a' choi'-thionail gu tabhartas a thoirt seachad do'n Tighearna air beulaobh <sup>b</sup> pàilliuin an Tighearna, cuirear fuil as leth an duine sin, dhòirt e fuil; agus gearrar as an duine sin o mheasg a shluaigh:

5 Chum as gu'n d'thoir clann Israeil an ìobairtean, a dh'ìobras iad a muigh 'fa' mhachair <sup>c</sup>, eadhon gu'n d'thoir iad a chum an Tighearna iad, gu dorus pàilliuin a' choi'-thionail a dh'ionnsuidh an t-fagairt, agus gu'n ìobair iad *mar* ìobairtean-sith iad do'n Tighearna.

6 Agus crathaidh an fagart an fhuil air altair an Tighearna, aig dorus pàilliuin a' choi'-thionail, agus loisgidh e 'n t-faill a chum faile cùbhraidh do'n Tighearna.

7 Agus cha 'n ìobair iad ni's mò an ìobairtean do dhiabhol-aibh, as déigh an deachaidh iad

le

<sup>a</sup> cràdhaidh. *Eabh.*

<sup>b</sup> fa chomhair.

<sup>c</sup> air aghaidh an fhearainn. *Eabh.*